



REPUBLIKA E KOSOVËS/REPUBLIKA KOSOVA

GJYKATA THEMELORE MITROVICË - DEGA E GJYKATËS VUSHTRRI

Numri i lëndës: 2021:043786
Datë: 07.03.2024
Numri i dokumentit: 05422638

C.nr.215/21

GJYKATA THEMELORE NË MITROVICË - DEGA NË VUSHTRRI, Departamenti i Përgjithshëm – Divizioni Civil, gjyqtari Izet Gërguri, në çështjen juridike kontestimore të paditëses Sh.B nga Vushtrria të cilen sipas autorizimit e përfaqëson av.R.M nga Vushtrria, kundër të paditurës Komuna e Vushtrrisë-Drejtoria për Arsim, lidhur me kompensimin e shujtave për ditët e pranisë në punë, jashtë seance, me datën 07.03.2024, mori këtë:

A K T GJ Y K I M
(pa shqyrtim gjyqësor)

I. APROVOHET padia dhe kërkesëpadia e paditëses Sh.B nga Vushtrria, me te cilën kanë kërkuar kompensimin e ushqimit (shujtave) gjatë ditëve të punës ashtu qe DETYROHET e paditura Komuna e Vushtrrisë-Drejtoria për Arsim, që paditëses Sh.B nga Vushtrria në emër të kompensimit për ushqim (shujta) për ditët e pranisë në punë gjatë për periudhën kohore nga data 25.11.2019 e deri me datën 31.08.2020, (pra për 159 ditë të pranisë në punë) të i'a kompensoj shumën prej 318 euro me kamatë ligjore prej 8%, e cila do të llogaritet nga dita e paraqitjes së padisë me datën 08.03.2021 e gjerë në në pagesën definitive të detyrimeve, e të gjitha këto në afat prej 7 ditëve nga dita e pranimit të këtij aktgjykimi, e nën kërcënimin e përmbarimit me detyrim.

II. Lidhur me shpenzimet e procedures kontestimore në këtë çështje kontestimore është vendosur në marrëveshjen e arritur në mes të palëve ndërgjyqëse pranë qendres së ndërmjetësimit ND.nr.615/23 të datës 17.11.2023, pranë kësaj gjykate.

A r s y e t i m

Paditësi pranë kësaj gjykate kanë paraqitur padi me të cilën ka kërkuar që të obligohet e paditura që për periudhën si ne dispozitiv te këtij aktgjykimi, t'ia kompensoj shpenzimet e ushqimit dhe atë shumën prej nga 2 euro për gjdo dite te pranisë ne pune me kamatë ligjore prej 8%, nga dita e paraqitjes se padisë e gjerë në pagesën definitive si dhe i ka kërkuar shpenzimet e procedurës dhe atë përpilim te padisë shumen prej 104 euro, parashtresë për zgjerim padie 104 euro si dhe për takse gjyqësore 21 euro.

Gjykata me aktvendimin ka obliguar të paditurën që të përgjigjet në padi, ndërsa përgjigjen në padi e ka paraqitur me datë 30.11.2023.

Në përgjigjen në padi e paditura ndër të tjera ka dekluaruar se padia dhe kërkesëpadia e paditëseve është parashkruar pasi që Kontrata Kolektive e Arsimit është nënshkruar më 18.04.2017 ndërsa

paditësit e ka paraqitur padinë në gjykatë me datë 13.04.2021, ndërsa Kontrata Kolektive e Arsimit është me efekt veprimi deri më 18.04.2020 dhe se e njëjtë nuk ka efekt për asnjë kërkesë e cila lind pas kësaj date. Gjithashtu gjykatës i ka propozuar që kërkesëpadinë e paditëses ta refuzoj të pa bazuar.

Gjykata pas pranimit të përgjigjes në padi ka gjetur se janë plotësuar kushtet ligjore të përcaktuara në nenin 398 të LPK-së, përmarrjen e aktgjykimit jashtë seancës, sepse në mes të palës nuk është kontestuese gjendja faktike dhe nuk ekzistojnë pengesa tjera për dhënien e vendimit meritor.

Nga parashtrimet e palëve ndërgjyqës të paraqitura në padi dhe në përgjigjen në padi, gjykata ka gjetur se nuk ishte kontestuese se paditësi ka themeluar marrëdhënie pune me të paditurën, fakt ky që konstatohet edhe nga vërtetimi i lëshuar nga Sh.F.A... në Vushtrri i datës 03.03.2021, kontestuese nuk ishte prania e paditësve në punë si ne dispozitiv të këtij aktgjykimi nuk ishte po ashtu rrrethana se e paditura Komuna e Vushtrrisë nuk ka bërë kompensimin e shpenzimeve të ushqimit në punë dhe shpenzimeve për udhëtim. Kontestuese ishte parashkrimi i kërkesës së paditëses por që edhe ky pretendim i të paditures është i pa bazuar pasi që pala ka paraqitet kërkesë brenda afatit ligjor me Ligjin e Punës.

Gjykata, pas pranimit të përgjigjes në padi ka vlerësuar kushtet ligjore nga nenin 398 i Ligjit për Procedurën Kontestimore (LPK), me të cilin përcaktohet se “*kur gjykata, pasi t'i arrijë përgjigja në padi, konstaton se ndërmjet palëve nuk është kontestuese gjendja faktike dhe se nuk ekzistojnë pengesa tjera për dhënien e vendimit meritor, atëherë ajo, pa caktuar fare seancë gjyqësore, mund të japë aktgjykin me të cilin e pranon si të themeltë kërkesëpadinë*”, andaj duke ju referuar dispozitave të Ligjit për Marrëdhëniet e Detyrimeve (LMD), përkatesisht nenit 245, paragrafit 1, me të cilin përcaktohet se “*kreditori në marrëdhëni e detyrimit ka të drejtë që prej debitorit të kërkojë përbushjen e detyrimit, ndërsa debitor ka për detyrë ta përbushë atë me ndërgjegje dhe në tëresi, në përputhje me përbajtjen e tij*”, e lidhur me nenin 35 paragrafi 7 të Kontratës Kolektive të Arsimit në Kosovë të datës 18.04.2017, si dhe të datës 22.01.2021, në të cilat në mënyrë të njëjtë është paraparë se: “*Të punësuarve, u sigurohet kompensim për ushqim gjatë punës, për ditët e pranisë në punë. Vlera e kompensimit të shpenzimit të ushqimit në punë, për një ditë është 2 (dy) euro për të punësuarit që kanë marrëdhëni e punës primare në institucionet arsimore*”, si dhe vërtetimin e lëshuar për paditësen, gjeti se paditësja gjatë periudhës kohore si në dispozitiv të këtij aktgjykimi ka 159 ditë të pranisë në punë.

Kundërshtimin e të paditurës lidhur me parashkrimin e kërkesës së paditëses, gjykata e vlerësoj si të pa bazuar pasi që në Ligjin e Punës, përkatesisht në nenin 87 të tij është përcaktuar se “*Të gjitha kërkesat nga marrëdhënia e punës në para, parashkuhen brenda afatit prej tri (3) vitesh, nga dita e paraqitjes së kërkesës*”, ndërsa paditësit kërkesën e tyre e kanë parashtruar për periudhën si në dispozitiv të këtij aktgjykimi, që përfshinë periudhën kur ka qenë në fuqi Kontrata Kolektive e Arsimit e vitit 2017 dhe pjesërisht ajo e vitit 2021, ndërsa padinë e ka paraqitur në gjykatë me datën 08.03.2021.

Gjithashtu vlen të theksohet se Kontrata Kolektive e Arsimit e datës 18.04.2017 në nenin 45 të saj ka paraparë se Kontrata Kolektive do të zbatohet edhe për një vit tjetër nëse palët nuk tërhiken nga e njëjtë ndërsa gjykata nuk ka prova se nga e njëjtë janë terheqë ndonjë palë kontraktuese.

Gjykata përveç kërkesës kryesore, paditësve ia njohu edhe të drejtën në kamatë në lartësi prej 8%, duke llogaritur nga data e paraqitjes së padisë dhe kërkesëpadisë në gjykatë, e deri në pagesën definitive në pajtim me nenin 378 të LPK-së e në pajtim me mendimin juridike të Gjykates Supreme të Kosovës të datës 01.12.2020.

Gjykata vendosi si në pikën II të dispozitivit të këtij aktgjykimi për shpenzimet e procedurës, pasi që paditësja për shpenzimet e kësaj procedure është kompensuar me marrëvëshjen e arritur në mes të palëve ndërgjyqëse pranë qendres së ndërmjetësimit ND.nr.615/23 të datës 17.11.2023, pranë kësaj gjykate, në këtë cështje kontestimore, ndërsa gjykata nuk ia aprovon dhe e refuzon kërkesen për shpenzime në emër të parashtresës për zgjerim të padisë, pasi që pala paraprakisht ka pasur për detyrë që kërkesën e saj ta bëj të kuart dhe të precizuar kërkesen e tyre.

Bazuar në të lartcekurat, e në kuptim të nenit 143 dhe 398 të LPK-së, gjykata vendosi si në dispozitiv të këtij aktgjykimi.

GJYKATA THEMELORE NË MITROVICË-DEGA NË VUSHTRRI

Departamenti i Përgjithshëm- Divizioni Civil

C.nr.215/21, datë: 07.03.2024

Gjyqtari
Izet Gërguri

KËSHILLË JURIDIKE: Kundër këtij aktgjykimi është e lejuar ankesa në afat prej 7 ditësh, nga dita e marrjes së të njëjtit, përmes kësaj Gjykate, për Gjykatën e Apelit në Prishtinë, në kopje të mjafthueshme

Numri i lëndës: 2021:043786
Datë: 07.03.2024
Numri i dokumentit: 05422638